

金蘭
青印

吉水馬

冬
母山

二年二十

夫人壽七十二事

八喪宣和七

水

亦

役耳

時年蓋

急小疾既愈出

樂果致疾今宜悉

所積

以謝醫

生四子三女志曰孔曰仇人之子以哺吾子誠何心

哉同上

文夫人歐陽氏天祥妻也從天祥遭流離于戈中絕

無愠古天祥空之敗次

與佛生等皆為俘

鹵一路求死不得都

衣日誦道經比

天祥受刑曰歐陽氏得旨收屍與江南十義士奉

葬於城小南門外及歸故以元大德死年

二月得葬

孫鄭婦文氏孫泉妻丞相文

真入謀文氏

乃悉出簪珥，軍需未幾，被執家沒入官。文氏
本稟生母，攜子蕭翁約翁及一女赴燕，
持禮守義，人其集杜詩有云：近聞韋氏妹
零落依木深，負鵲鷓鴣詩臨風欲慟哭。人文紀畧

元

曾烈婦，氏文昌鄉，上泰上平紅巾賊起，突入門
執龔氏，以污之龔，厲聲罵，刀格之，賊怒遂殺
龔氏夫泰來，弟行吾率眾禦亂，時稱義士。舊志
李烈婦周氏李昭子光遠之妻，周亦山之女，聞孫之女

弟也。光遠妻劉氏卒，繼娶周氏節婦姊也。卒復以節
婦繼，雖年不切，官而以親義相與。光遠卒，矢志不更
適。視前二人所生，與己子一禮，孀居三十有四年，
死於紅巾賊之難。聞孫誅之曰：芳草有時而為艾，素
絲何往而不緇。疇能嗷嗷終始不渝，而况離亂之滋
久，衣食之無餘，秋霜烈日之言，吾嘗憂其志之難遂
而今而後，妹共克，之虞嗚呼！婦為節婦無媿
於夫死於鋒刃，亦又何污云云。周鰲溪集

謝節婦曾氏謝愈賢妻也。愈賢云：李舉義兵，與二子主

一克一死於難曾撫諸孤延名師山泉解先生永泰
劉先生莘芸陽先生教之嘗夜績獲盜問其母老家
貧賑之以穀戒家人勿言盜卒爲善士 解文毅集

熊節婦李氏熊以德妻年二十四而夫卒謹慎端莊事
姑撫幼甚得婦道至正壬辰兵亂負子避難於文
水之西丙午歲飢甚糶易米以贈宗族迄平定之
初仍詣舊基治田畝種菱蓮勤織經以供歲時賓
客之需改築宮之南延師訓子孫年九十而終 舊志

錢烈婦張氏錢瑛妻也張氏隨瑛奉祖及母避賊三人
俱被執張氏從伏莽中窺見即趨出謂賊曰我姑孀
居至老無瑕請釋之而縛我賊熟視見其年少從之
既就縛擲袖中鞵與姑訣曰婦無用此矣且行且睨
俟姑稍遠即罵賊不肯行賊持之急罵益厲賊怒攢
刃刺殺之 明史

郭節婦聶氏郭仲稷妻年二十生子越三月夫故聶氏
勤織經以給朝夕事翁姑慈長幼克盡婦道父母哀
其早孀欲奪其志聶氏聞之齧指出血而誓曰夫者

婦之天也寧死無負所天厲志益堅年過五十教養遺孤有成立有司以聞詔旌表其門

舊志

鍾節婦危氏夫鍾仁卿爲四川內江學諭蚤歿危氏守節撫孤至正間壽一百零三歲詔旌表學士曾德裕

銘其墓

省志

明

解夫人高氏解開之妻幼慧淑精女工通書史父封州公若鳳嘗歎息曰非男子每擇象犀金龍筆墨賜之爲小楷書

密長歸於解姑徐夫人最嚴難

事未嘗一拂其旨料事鎮安出人意表其處貧困或終日不舉火端坐刺繡旁無知者其治食饋酒醢醢果蔬極滋味簡便有法著酒食議若干卷藏於家課子綸及縉時亂離無書手寫孝經古文杜詩教之遇夜則與道古今聖賢事及鄉里名家忠信言行記及時日無所遺謬壬辰之亂父封州公討賊於廣之龍潭爲流矢所中卒於軍舅校書公子元死節於鄉母周夫人卒於戰檻兄文海攻山寇兵敗爲賊所殺一門死義夫人涕泣不食肉者三年晚得肺疾臨終命

言水集卷之二十一
九
子曰死者人所不免吾年七十過吾父母兄弟矣送
終備物無益亡者吾經亂離所見多矣葬我必於近
地朴棺深隧素衾結鬢斯可已矣言訖而卒 舊志

李節婦鄴氏鄴巽亨之女也生至正七年年十九歸李
允臧歸之又明年歲丁未明太祖將經畧中原徵糧
江西允臧以運糧溺安慶江中時子生甫數月鄴氏
年二十一哀痛自誓勤女事以給舅姑育幼穉敗幃
瓦燈一室蕭然安人之所難堪五年舅歿葬祭如禮
其兄猶憐其少欲嫁之鄴氏曰夫死不再適天地之
大義也惟禽獸則異乎此我人也乃欲禽獸我乎哀
哉吾夫之死於非命也當其就道時嘗以老親幼兒
囑我生既承之死而背之吾何忍耶且今舅歿而姑
尚存有所倚幼子日以長矣兄知其志遂不復奪又
三年姑歿喪如其舅勉其子直孚以學年八十一以
卒直孚子同仁成進士焉 廖恭敏集

楊節婦曾氏夫楊存海早喪無子誓不他適乃以姪福
爲後福亡與孫謙德終始相保鄉人稱其節行貞潔
內敬宗族外睦鄉里洪武十八年僉事道翁思善以

聞詔旌表其門

舊志

李節婦周氏元知吉水州事宗謹之孫處士子敬之女
李鐸邦振之妻也邦振谷平人兄仲武坐累就逮至
京以病卒邦振從之行抱持其兄號痛不絕聲未幾
亦卒時周氏年二十有二生子沂浴甫五歲聞夫亡
恨不得自盡服終或謂其年少須更適周氏曰吾夫
以事兄死吾之事夫獨可苟生耶今不即死者以姑
老在堂弱子未有所立故耳遂事其姑二十年奉養
備至其子沂浴成才諸孫森立氏以壽終

周石溪集

楊節婦李氏楊鼎元妻子恭母年二十鼎元以義兵保
鄉里死於賊子方八月鞠育教誨至於成立事舅姑
極其孝敬紡績自給宗族鄉人皆以母道事之洪武
二十年僉事何旻以聞詔旌表其門

舊志

胡氏二烈婦者姑曾氏婦劉氏也曾氏名靜貞蘭溪人
曾一中女也年十七歸於環州胡原長時方亂離寓
居里之平原撫下事長禮度不踰涉險履危知機善
豫事平來歸罄奩中物以給家衆家益饒至累鉅萬
未嘗恃其富每訓子息云富欲可使貧則不患貧矣

原長每有所詰責未嘗辨激徐爲申理洪武十五年
原長坐鄉人牽累徙邊曾氏與子婦劉氏抱其孤弱
孫旅邸中弱孫會病卒劉氏即自經死曾氏亦自縊
爲人所救甦慨然曰吾夫亡不死者憐此孤弱冀長
養之今復死矣而劉氏亦能以年少死義吾何用生
即嚼舌三日不食死時年四十二後其子紹歸自邊
葬之於里之石屋山劉氏附焉未葬時水齧其山畔
幾陷既葬乃日就平復水榮回如帶云

春雨堂集

王母者姓宋修撰良母也良將死國難請於母母勉以

忠義囑其勿以己爲念良乃就義聞者悲之

同上

李節婦羅氏洪武三十一年夫李真死羅氏甘貧守節

以孝慈聞至嘉靖間羅洪先狀其行以彰焉

人物志

王氏名靜濟陽教諭王省女也母彭氏博涉書史明於
化導靜以孝悌聞及笄適泥田周岐鳳建文時岐鳳
爲即墨主簿燕兵過濟陽靜知父志所在哭語夫曰
吾父不生矣請遣人求之凡三往乃得遺骸及文稿
以歸及岐鳳致仕還靜年已六十餘過先壟展拜大
慟不能起遂抱疾而卒初以子叙及第封孺人後岐

鳳晉階員外益封宜人云

楊文貞集

李氏雙烈婦者谷村李文奎之妻鄴氏及其子處泰之妻周氏也當建文壬午燕兵起江右紅巾賊作亂焚劫淫擄凶慘異常鄴氏姑媳俱被執賊欲淫其媳媳給之曰吾姑老矣願得一訣而別賊信之媳抱姑痛哭遂相攜赴烈火死

舊志

饒節婦劉氏名順慶元國史院編修劉鸞女饒伯振妻

夫亡守節永樂間旌表

續文獻通考

曾氏三節婦者曾明輝之妻周氏與其子居中之妻周氏及孫仲持妻周氏也曾氏三世皆娶於周曾與周皆吉水著姓故世爲婚明輝之妻則周西園方大之子寡居時年二十有八居中之妻則元東宮說書周志遠之子寡居時年二十有七仲持之妻則周子敬之子而志遠之從子探花孟簡之女弟也寡居時年二十有三皆以節自誓以壽終顏其堂曰世節仲持之子希升屬梁潛爲之記

採省志世節堂記撰

鄧節婦蕭氏鄧珍妻也年二十二而珍卒時永樂二十一年也蕭氏年十七歸珍歸數月而珍以計偕北上

登上第官京師以卒蕭氏未之從也及觀歸欲死觀側舅姑慰之乃不死以安舅姑蕭氏善女紅知文墨能爲韻語年八十八以卒年五十七時當天順間詔旌表焉

省志

胡氏大學士廣女也方在母娠廣與學士解縉侍宴文淵閣太宗曰廣縉少同業仕同官今縉已有子廣宜妻之廣俯首曰臣妻有娠未卜男女太宗曰定生女越數月果生女因名吉慶奴遂訂盟未幾縉遭漢王高煦誣譖舉家戍邊胡之諸父欲改適他人女竊入室以刀截耳家人覺而救之見血被兩頰且言曰薄命之婚皇上主之父面承之一與之盟終身不改况背主違父何以生爲越數年洪熙改元解族蒙宥胡氏遂歸於解事姑極孝事夫惟謹姑徐氏多病不離床蓆十餘年浣滌穢污皆親爲之且知書史性柔慈側室子女視爲已出卒年八十有五

舊志

貞女陳氏陳英鉉女也景泰間許聘同里蕭載綬子年及笄而夫死貞女在室聞之數日不食亦死父母與夫翁憐而合葬焉天順間詔旌表

省志

陳節婦黃氏陳文繼妻也初黃氏既受聘而繼文病癘
風黃氏父母不知其癘也已而媒者言欲得黃氏視
陳卽病其父母許之至則見陳室中蕪穢衣被盡沾
滯垢惡難近涕數行下氏躬爲汛掃澣濯易以新衣
與共卧寢治精糜食之踰月陳竟不起黃氏執喪盡
哀已葬父母迎之歸不聽數年翁姑相繼死家傾而
守益堅操作自食日舉一火菑戶紡績族家婦女亦
屏絕不通及年五十羅叅政言之直指使請表其閭
舊志

羅烈婦王氏年十五適羅揚清一年夫病死久之揚清
兄欲易其節使人語之王氏持三尺繩以對誓以必
死家人陽諾其守而陰受人聘金期夜半強輿之去
隣婦密以告王氏計自經恐泄家人必救解乃密取
夫所遺青布衣衣之戴笠潛出赴池水死家人蹤跡
不可得行見池面笠露視之王氏氣絕矣而莊立不

仆同上

周節婦曾氏年十八歸周伯循二十而寡誓不再適隣
婦百方勸之使改嫁節婦曰毋多言我事非汝所能

知也年五十成化間詔旌表其門

同上

李氏名玉姐父智雲南昆明人明成化間爲吉水令玉姐隨父之官將三載年甫及笄智以禱雨觸熱物故玉姐念二弟稚弱子母相依羈孤萬里屢痛幾絕越二載母施氏復感弱疾醫治罔效玉姐憂母之不起也心皇皇若失百方祈禱計無所出乃沐浴割股肉以進母母食之有異復生者三歲所適夫楊璋吉水人亦嬰惡癘玉姐稽顙叩天乞以身代夜夢神人謂之曰爾以髮乞我當爲救汝夫夢中即截髮授之晨

起髮落過半而夫病遂愈其異如此

徐禮李孝女傳

劉節婦袁氏繞源劉仲機妻也年十八而寡守貞六十年弘治十八年有司奉詔建坊旌表

周淳夫節婦記

羅氏三節婦羅韞匱妻歐陽氏名壽娘韞匱卒時歐陽氏年二十五長子篤溫二歲次篤良尚在娠越四月始生父母哀其早寡令改節歐陽泣曰兒未亡人也使有異志二孤何託比二孤長篤溫亦娶歐陽氏酉貞篤良娶里中袁氏蘭秀篤溫生子甫一歲而歿篤良生子既五歲亦歿二婦自誓曰始爲節婦我屬獨

改節乎誓無他乃協力孝養其姑撫育其子酉貞年九十卒蘭秀年五十五卒鄉里稱為三節婦云 舊志

蕭氏雙節婦者蕭東鑑妻劉氏及子激濟妻劉氏也東

鑑虎溪人娶劉端習之女未數載而東鑑卒生子瑀

半歲而天內外嫻親慮其少寡無子也以語規之節

婦泣曰夫吾天也天可二乎舅姑重其志命冢嗣宋

鉉之子激濟後焉劉氏視猶已出為娶其兄劉庶績

之女成化三年激濟復卒時劉氏年四十二撫遺孤

曰存性孤媳相依其媳衣食寢興凡皆視姑為節鄉

士大夫以二婦之相繼以貞也表其堂曰雙節 一

峯雙節堂記

羅宜人周氏叅議周紀之孫女贈員外羅某之妻循之

母也周氏生長宦邸歸夫家故無長物食指甚繁舅

性嚴酷難事而好賓客飲食稍違節輒詬怒不御周

氏聞堂上怒聲即以手自擣含涕向杼軸亦竟日不

敢食或慰之則專以自咎生三子獨循鍾愛循幼亦

善事母母留食食之則不盡食以留食母知母之艱

苦也年三十九卒以子孫貴進封宜人 羅文恭集

王節婦丁氏父某新淦人節婦隨父任河南夫王堯儒
就婚於任時氏年十九越三月堯儒以疾卒遺腹生
一女未幾父亦卒其兄奔父喪歸新淦氏扶夫柩歸
吉水道經新淦兄強之偕歸氏堅意歸吉誓志守節
與外氏絕往來雖家貧無依維以紡績自給年七十
二而終

舊志

王節婦周氏帶溪王五爵之妻五爵早卒周氏矢志弗
渝所居帶溪艱於行周氏乃斥衣食之餘立橋以濟
徒涉未落成而卒其夫弟五玉乃卒成之榜其名曰

發婦橋

舊志橋梁註

羅宜人李氏者副使羅循之妻長史李勲之女而贊善
洪先之母也佐夫成名不以貧困顯達稍易其操循
爲兵曹數以事忤劉瑾瑾欲伺得其過殺之循於是
日夜留官曹中治文書不敢歸李氏窘甚鬻馬矢購
肉食以餉夫而自飯脫粟及稷菽後循官鎮江及淮
安兩郡爲漁鹽商賈竒贏充仞之區李氏謹飭門內
毫不爲染受封後與寮婦麋集諸婦皆盛服李惟服
故衣無冠帔逡巡其間駟者乘機餽以金飾李氏堅

拒之衆婦始皆赧服待妾媵亦能以誠心至愛化其
悖者以慰其夫云 唐荆川集

董節婦袁氏董朝紳妻早寡守節以紡績養姑正德辛
未流寇突至婦與姑同被執賊欲辱之婦姑相持哭
聲震地賊遂相戒勿犯釋之歸 省志

陳節婦劉氏年十九歸陳洪居三月洪出商劉氏已有
娠滿歲得兒而洪病瘴歸即卒氏觸地求死尋溺尋
縊者屢屢家人嚴守之乃已既免喪或以語嘗之劉
氏頰色罵曰汝以非類視我乎竟與言者絕繼姑周
氏憐其茹苦間令肉食泣曰我寡婦也焉敢當此年

七十卒羅文恭洪先爲之傳 舊志

黃節婦周氏庶子崇述之曾孫女年十八歸黃子仲次
年生子協華六越月而子仲天家雖貧氏安之比寧
母家家人勸改適氏面發赤諱之曰汝誠人耶乃向
吾開此口也誓不復與見即日趨歸協華漸長出紙
績資令稟學爲諸生嘉靖戊午督學王公宗沐使禮
存問時年六十餘矣 同上

解門五節婦者解瑛妻劉氏副使劉昂貫女正統十一

年適瑛未四年而寡時年二十二卒之歲爲成化十七年
年五十四也瑛弟曰獻娶徐氏亦早寡其生爲宣德九年
後劉氏二十七年而卒卒之時距嫁已五十餘年也
其娣曰周氏年二十餘夫珙卒誓死從二姒以守三人者
夫同產深相得也瑛之從兄弟有曰璇曰玉者皆不幸
無祿璇妻氏李其年長於劉氏者十而歿也先劉氏者
匝月當其寡時劉氏方于歸也魯氏者玉妻年二十餘
而孀居七十六而壽終終之歲與徐氏同實爲正德三年
戊辰也時人語曰解氏五節松貞玉潔五人者均有子
世爲城東鑑湖人也

同上

羅節婦李氏同水羅洪一妻也無子早寡誓不他適以
紡績自養年七十餘飢寒益甚鄉人莫不敬之

羅念

菴集

曾節婦生員曾煥母也同水人失其姓氏夫卒矢死守
節教子至成人爲鄉里所誦

同上

周恭人羅氏按察司副使南嶺周汝員妻也性恭謹善
事舅姑姑常夜語或達旦羅氏侍坐不倦雖命之退

不敢去接媵妾以仁婦似咸稱之鄉里孤寡者依之
若慈母以夫貴封恭人既卒太史羅洪先謂其淳淑
有婦德墓可銘永豐聶豹乃爲之銘

聶雙江文集

王氏雙節婦者王建山之妻許氏與其子著炯妻戴氏
也許氏年二十九而寡撫一子雖未識字而能以大
義絕他人之浮言嘗持刀斫柱以自誓其剛烈有過
人者後媳戴氏亦年二十七而寡有二子夫病時囑
之以其子戴氏面寬其夫曰自保汝疾無爲我慮我
必不辱老姑行後果如其言而家之艱窘甚於姑時
尙粥不給而又喪其長子惟義命自安無怨尤意其
一夫之族弟王安噐爲之傳

王夢峯集

周節婦王氏名素英夫周必登爲邑庠生王氏歸時年
十九養舅姑以孝聞始病風二年湯藥必親進病久
穢甚滌濯不爲厭夫卒王誓與同死不食者數日杜
門守志潔操矚然比老歸弔其母一日忽語弟曰我
死屍還周氏頃之無疾卒弟如其言還屍夫家鄉黨

莫不慟之

舊志

胡節婦解氏名滿蘭年十五歸胡文煨六載夫亡日夜

痛哭幾絕姑救乃甦語之曰汝有不可死者三夫死未殯姑在堂子在襁褓無婦奚托氏聞言節哀貞守

三十載年五十卒

王志

婁節婦藍氏年十八適婁永齡僅一月夫忽病不起氏痛絕矢死靡他足不踰閭外甘苦茹淡事二姑盡孝撫繼子如己出巡按御史周燦具題建坊旌表

同上

解節婦劉氏生員解逢春妻也逢春暴卒時劉氏年二十三截髮咬指以節自誓植二孤勤紡績攻荼茹苦六十五年如一日鄉人信之與諸娣姪輩語必舉孝經女誥諸篇多薰其德而善良者及卒貧不能葬邑侯黃愷表捐俸六緡以襄事里人鄒元標題其墓曰貞節而泐其行於幽

鄒忠介文集

羅節婦李氏羅大紀妻也大紀爲諸生貧無藉客死於信豐李氏年二十八已連舉四子忍飢寒守其子無一畝之田一椽之蓋治棉臬子刈薪拾穉爲生居無何以第三子出撫養於郡城劉氏忽一歲出兒寄言欲歸視母母止之曰今歲飢斗米百錢家中子母自不聊生安能食爾出兒耶數月母忽念出兒使人踪

跡之問其安否兒泣曰兒爲人奴何安之有其人駭
曰爾安得爲奴曰恩父舊爲人奴元旦則隨父入朝
其主人翁歸告其母李氏李氏甚悔恨復使其長子
視之出兒謂兄曰吾恩父已死主人且欲復賣我母
能贖我十日內望兄來過十日兒不知死所矣李氏
攜其長子告於族夫弟行人太絃曰故夫亡妾忍飢
視藐諸孤貧無食恐俱死故以兒與人不知兒之失
所甚於在妾身也願叔廢數日之饗爲贖之大絃乃
爲之贖而作出兒記以紀之

羅正湖集

王節婦羅氏葛山王象翹妻也年二十七而寡撫子三
十年無有二志督學蔡克廉廉其節遣有司以禮揚
之

羅文恭集

周烈婦泥田諸生周廷正妻也廷正從泰和胡直學志
銳而早卒烈婦聞之哭泣不食以身殉焉

鄒忠介集

高節婦朱氏年十七歸陂頭高登吾爲妻越五年而舉
子既三日登吾死家無期功之親上有老姑下有幼
子節婦願以死守明年姑卒伶仃益甚族人侵毀百
至欲分其室而有之乃揚言曰是婦欲守此兒耶他

日毋乃逾垣走耳里有役族人與里長計威節婦以
僱役而多其值節婦即以財給之既而以訟構亦不
與較不得已又以好意來撫循其孤或卜之或相之
若有所爲者節婦保持甚謹得無恙其後孤長教誨
甚有法家難始紓父之諸孫入庠序節婦從容與家
人飲因述逾垣語潸然泣下曰吾今日免夫可與汝
父同歸於地下矣未幾遂卒時萬歷四十七年二月
也後其孤年老言及母苦節未嘗不流涕人亦以此

稱之 李一偉勾亭瓊言

鄒安人江氏字坤芷都御史鄒元標妻元標初娶吳氏
卒鄉舉後委禽江氏後以言江陵相受杖瀕死其家
人有攜志江氏舉大義堅心以待元標謫戍貴竹便
道歸逆之以行江氏生於富家歷嶮岨嘗艱辛無毫
毛懟望意所相與慰藉者陳義甚高元標自謫所歸
視母留江氏謫所二家人瘡斃蠻中號多瘡厲鬼物
又羣蠻踰城劫獄江氏斬斬自持不爲時俗兒女恐
懼態以屢失子故納媵者數矣有所出護之如拱璧
而輒喪則爲之悲痛不食僮僕有過每以怒道覆庇

之珠翠錦綺未嘗一日被於身也年四十卒卒之日
筐篋惟嫁時裝及紡績所易二金耳

鄒南阜集

羅宜人楊氏給諫羅大紘繼妻也性閒靜聰慧日誦梵
語不倦襄夫宦遊秦楚晰理庶務待群下無怒色及
給諫違世宜人方二十九歲剪髮毀容持齋禮佛五
十年如一日臨歿預知時至遍語家人及期果卒

志

李節婦周氏年二十六夫李秀卒遺孤甫十歲家惟四

壁未堪多難氏茹荼砥節艱苦備嘗每祀夫泣血盡

哀如初歿事姑盡孝養終其身不出閨閫不聽音樂

不服華飾教孤成名子廷諫孫邦華同榜鄉舉卒成

理學忠節名臣累贈一品太夫人

同上

羅節婦周氏萬歷戊午年十六爲羅季翊婦父家素貧

子歸後亦自操井臼不欲役臧獲賑急恤貧意欣如

也居四年爲未亡人紡績動作延師訓子夜分燈光

令子讀書成諸生皆有聲庠序年七十七終

同上

朱節婦劉氏夫朱寅奮早卒遺子廷相廷植田數畝屋

數椽旁有覬覦者強之他適節婦以死誓其人抑掄

曰此徒貌飾他日且攜篋筇踰垣走耳節婦聞之爲
斷一指時年二十四也後兩孤成立孫曾繞膝屆六
旬壽親朋咸集乃洒泣語子曰予今日或得免踰垣
之議矣子媳皆泣昔之言者慙無所容又數年以疾
卒天啟三年奉旨旌表

同上

李夫人周氏左都御史李邦華妻性柔嘉既于歸稱有
內助才邦華以直節危行摩切權臣逆閹間屢瀆九
死氏無怖無愠惟以忠義相勸勉比邦華勤王脫簪
耳左胸訣別慷慨無兒女態甲申三月十九日李自

成破京師氏聞報即知夫必死其後每言夫事輒拊
膺痛哭以不得同殉國難爲恨生平待妾媵以仁而
教諸子以義子士開承其訓卒死於友愛而諸婦亦
多以節聞邦華既歿之四年氏以疾終於家時亦三
月十九日也孫長世婦朱氏讀書能詩亦相夫以大
義歲戊子送其夫西征詩云君自重王事妾心未敢
違好隨鶩一出記與鴈同歸妻子佇偕隱君親望不
微此身闕俯仰珍攝向斜暉聞者悲之

王志

劉夫人魯氏歿元劉同升妻廬陵興國州守元忠之女

淑慧能詩于歸時翁始俱已先逝事封太史子韶滄
隨必恭忘其爲孫婦也夫姊妹六人庶弟一人皆幼
撫之若慈母凡嫁娶之禮皆力營之及弟長娶婦析
爨時七筋必勻外氏家饒諸弟將分產迎氏歸辭曰
虛名實利吾兩不居也同升家居喜爲德於人社倉
賑飢諸務氏皆脫簪珥佐之視諸姬所生子女如已
出未嘗有異也中年事佛持齋以中饋職任之諸姬
已責其成而已同升攜家寓金陵三年諸子稍與聲
氣夫人勸之歸曰名者實之賓吾恐諸子騫於賓也
丁丑傳臚報至妯娒皆賀氏未嘗色喜同升上奪情
疏氏聞之歎息曰綱常大事不得不言但恐年老不
任杖耳然明主可與理奪必無大故果得鵠秩而歸
氏雖能詩偶吟一帖諸子欲錄副本輒焚去曰此非
婦人事不足傳也長女次女氏所出當嫁時同升爲
孝廉無以爲粧季女庶出也歸新建張壘丞之子同
升未第時計偕資多壘丞助之而壘丞方作古人同
升欲以厚資爲報揭貸治奩具氏未嘗以今昔厚薄
介意有貴人欲以女字第三子者託中表爲言許以

厚嫁氏攢眉曰嫁高娶低芳躅也損智益愚良箴也
不敢望非分卒婉辭之甲申國變報至正氏設悅之
日因悲曰我生不辰忍受賀乎立命諸子變凶服隨
父面北而號同升揮淚謝曰真吾婦也乙酉同升棄
世氏後四年卒卒之日猶以守祖父訓惓惓諸子云
同上

李夫人周氏冢宰李日宣妻系出本邑柘塘家世榮盛
周氏自幼專靜寡言受毛詩女誡年十八歸日宣恂
恂恭謹親操井臼篝燈佐讀更相砥礪致日宣登第
歷躋通顯周氏綜理家務饗祀慶賻咸能合禮逮夫
罹瑞禍罷歸周氏婉慰之曰盡職而被罪未失爲光
前倘不職獲榮吾深耻之初周氏艱於嗣勸夫更納
姬曹氏龔氏龔爲南昌望族李與曹乃世姻二女均
嫻壺範克勤內政以故日宣內助之賢聞於四方曹
氏先舉子及周而殤日者謂命不宜男曹曰命自我
立積善餘慶古語豈欺我哉因自節飲食費積金帛
爲賑施已而果舉男位笑曰舍金帛而得子孫吾願
足矣自是賑施益不倦龔氏亦舉一子門內雖和無

織間言既而周氏卒曹與龔視嫡子有加兩人機杼
聲軋軋如沸子輩恐其過勞泣而止之氏曰爾等不
聞周夫人之言乎貴欲可使賤富欲可使貧斯言豈
敢忘之諸子婦無不俯首涕泣者同上

烈女高氏許配梁離明未幾離明卒女年十五諸大家
爭聘之其父已諾女知之遂自縊死省志

黃節婦羅氏黃良寵妻年十八守節壽七十歲卒天啟

間巡按御史田珍題請奉旨建坊旌表

王志

李節婦歐陽氏宋氏李士開之妻與妾也貞靜敏慧宜
其家甲子宋舉子歐喜甚忘其非已出也丙寅士開
殉弟歿歐抱孤哭於寢顧獨不見宋視之乃扃戶自
經啟門入救得不死頃之又縊復救之慰者以撫孤
爲辭宋哭曰天乎吾不忍於逝者何知存者吾必舍
吾生而相從於地下耳歐與宋相對哭歐則撫其孤
曰天乎吾豈不欲舍生以從逝者顧從逝者則存者
奚托汝若不自存吾與汝俱逝宋強起斷髮旋斷一
指矢不二自是兩人形影相依屏錦綺不御歲時上
祀泣盡哀教子讀書丙夜不休宋忽疾撫其子歎曰

吾所以留餘息者汝也今可矣却醫藥遂不起歐又
撫而哭曰天乎汝得從逝者矣吾何賴焉踰數歲亦
卒御史上其事奉旨建雙節坊同上

烈女胡氏名次姑生員胡中洋女年十六未字崇禎癸
未張寇陷城有鄉人導賊入其家奔逃天獄山遇賊
將污諸婦次及女女憤烈罵不絕口賊怒斷其左臂
愈罵愈厲遂刃死同上

黃節婦李氏州守李仁菴之妹黃萃六之妻年十八而
孀一子歲餘苦守撫孤成立生一孫歲餘子復天春
兩秋霜悲泣無已日國變山寇猖獗與孫皆死刃下

里人無不悲之同上

王烈婦曾氏年十六歸王明徵十七生子璽十八明徵
死氏水漿不入口者五日誓從地下已而念大王父
母老子又幼於是事尊人以孝撫幼子以義方既而
大王父母逝遺一幼女氏撫之及成人幼女出嫁念
氏教育恩不忍離幼女明徵姑也視氏如母相抱泣
曰彼於余特少十月懷耳聞者皆為泣下崇禎六年
子璽舉於鄉丁亥冬節鉞劉一鵬軍抵上游多擄掠

氏避山中侍兒誤傳兵至遂投深潭死劉文忠爲之
傳同上

李節婦張氏李貴爵妻年二十六夫客死楚遺孤孩幼
先世皆獨子相傳至是不絕如綫氏毀容矢節飲冰
茹蘗迄孤有成克全宗祊年七十以考終同上

李節婦毛氏年十有六而嫁舉二男繼漢繼沈而孀家
貧多難有勸改適者曰膝下兒子子如此安得其成
立也毛氏曰歲計六月糧產猶可支餘將給以十指
吾女流從一耳自此手不置筐家事惟黽勉以給子
與社友往還氏聞堂上屨至必內探主客語語正則
茗觴備不者戒兒慎交屏絕後邑令沈中柱聞繼漢
名命子執贄直繼漢斷絃改聘沈公贈之聘資以白
氏氏曰謝若贈無撓使君清也國變時遇寇刃刺骨
幾斃翌日骨自合無恙人以爲好德所感丁酉春口
念佛號而逝廬陵周珥爲之傳同上

劉節婦李氏年十八歸劉叔鉞婦道克謹不數年叔鉞
卒慟絕者五以救甦後生一遺腹子子幼多病氏每
遇病輒不欲生憂瘁成疾卒叔鉞父殿元同升作節

古水縣志 卷二十一
義傳 同上

藍節婦羅氏藍教妻也年二十八守節堅苦撫訓二子
九十餘歲而卒觀察使及守令均錫佳語褒之 同上

婁節婦王氏婁伯麟妻年十八而孀斷環絕瑱甘守艱
苦上事兩高堂生盡養死盡葬撫孤成立太守徐映

薇題曰冰清玉礪 同上

李烈婦王氏生員李搏妻丙戌正月兵至王氏出避呼
十歲弟與俱遇兵被執義不受辱號泣求死兵驅之
至石潁小江王氏顧幼弟指江水歎曰此吾死所也
一躍而入兵急援之王氏嚙口噴血罵不絕遂遇害
同上

劉烈婦郭氏通判郭立德女劉復之妻丙戌爲兵執不
從大罵爲兵刺死御史李陳玉弔以詩 同上

劉宜人某氏同水人劉子羽妻也明末道九江遇寇以
刃脅之行至江干躍入水中寇以爲死矣棄之去少
間得救甦乃毀容採稻以自食不旬月以水氣入肺
得疾死歲丙戌子羽聞闖越入廣西仕兵部員外
郎北使歸上萬言書陳利害人皆稱子羽忠蓋愛國

子羽乃表彰宜人死烈狀求同人作詩悲之
施偉長集

周梧鳳妻宋氏周翔鳳妻藍氏俱明萬歷以前旌表節婦胡稽範妻張氏易若倖妻劉氏鄧仲珍妻劉氏俱明正德以前人劉時禎女公莊劉深女清潔亦明中葉人名姓俱見府志列女傳

吉水縣志卷二十六

吉水縣知縣關中米嘉績纂修

人物志十一

列女

國朝

李夫人羅氏處士羅瞻筠女兵部侍郎李元鼎妻也性莊靜不以燕婉私昵形歸逾月即以勵學勸其夫肄業山寺中羅氏身脫簪珥供滄漣酒漿以勤奉舅姑已雖捐眠食不計以故二人安而悅之易以他人輒

不樂也夫以弱冠舉於鄉數年成進士官行人羅氏奉舅姑家居朝夕不怠及二人先後棄世凡周身周棺之具必誠必信不貽夫以終天恨生一子振祺後生子多不育乃勸夫更娶朱氏以朱氏知文墨有才名遂推朱氏隨夫之官以佐夫而已持家政守田園以供祠祀墳墓視朱氏所生無異已子其子振祺亦朱氏爲之婚配羅氏先其夫一年卒鄉里頌孝德焉封淑人後與朱氏俱以子振裕貴贈夫人 王志

李夫人朱氏名中楣字懿則號遠山明瑞昌王裔輔國中尉朱議汶之女生有異徵幼聰穎絕倫女紅之餘朝夕一小樓丹鉛披閱於綱鑑史記及諸家詩集皆成誦間爲韻語多警句父竒其才不以與常人適李元昂以銓司給假里居以才名相重許妻焉遂隨夫之京生一子振裕甫一歲值國變南北道梗家問不通朱氏以爲夫婦殉難宜也不吝棄此呱呱以從君惟是舅姑未葬家中長子存亡未卜可稍俟音耗而本朝即以人望徵元昂爲太僕歷官兵部繼而以事落職播遷瘠瘁無稍懟後雖復起又以部事牽連下獄

書水縣志 卷二十一
幾中危法朱氏欲上書爲夫雪寃倘不得即自盡并
中幸事明夫獨得邀寬典遂南歸僑居甯湖數年終
焉朱氏當夫遭國變後即與夫有歸老終焉之志適
以事勢不獲起而復跌者再屢遭困躓抑鬱之情得
以稍舒者皆朱氏內爲慰藉及夫卒哀毀骨立不欲
生獨居則兩淚終日逾年遂卒初朱氏五十初度諸
君子謀製錦稱觴氏聞之乃召其子責曰而忘爾父
乎而以爾母爲何如母乎誕日衰服詣柩前拜且泣
家人莫敢以卮酒進者所著有石園唱和隨草詩餘
亦園嗣響諸集 白石山房集

劉節婦李氏劉季鑛妻兵部侍郎李元昂第二女幼端
靜聰慧善記問不苟言笑年十七歸季鑛鑛爲殿元
同升子以拔貢抗節遊江楚氏隨伯仲奉姑間闕遜
跡奉珍任勤遇暴帥梗途氏出多金付伯仲氏使與
賊以免一子在攜日嘗親授句讀不使少間姑沒鑛
阻行間氏哭踊祭告曰子鑛敢冒截裾者流耶傾囊
以供喪禮及鑛陷陣身殉氏寓鄗邑時干戈載途誓
死冒險攜子時颺歸卿依外氏舉喪依文公家禮命

子以品官招奠無少缺禮家衆避難陸續歸鄉一時
 匱乏氏分貲以給未嘗少吝喪畢數募士入粵訪鑿
 骸不能得授子經學益加嚴勵日則望南哀號夜則
 晝泣泣緯傷毀勞瘁逾歲而亡邑人李陳王立傳周
 瑞豹撰墓銘 王志

彭節婦李氏同水鄉彭子恭之妻也生萬歷二十三年
 年十九夫亡里中有富家子欲娶之曰吾不能從夫
 死姑在吾從姑耳惟以養姑教子爲事歷四十餘年
 順治十四年旌表 省志

黃節婦劉氏仁壽鄉諸生黃麟徵之妻官生劉孟欽之
 女歿元劉同升之孫也生天啟六年幼讀書知壺訓
 年十五歸於黃四年夫卒誓死守節治夫喪葬及翁
 之喪葬畢即自治一穴於夫之墓側御史李謙菴爲
 之銘康熙三十五年旌表 同上

李節婦鄧氏安福太僕卿銘韋公女李士齊妻也幼讀
 孝經列女傳心向往之于歸時不及其姑而舅總憲
 邦華方勤王京師鄧氏事大母色養備至逾年生子
 長元而士齊以父殉國難痛憤成疾卒時鄧氏年二

十四顧念藐孤未成立強起饘粥治喪具鬻簪珥以
撫訓遺孤慈嚴兼施凡出入交遊必使慎擇端人居
恒蔬食練服數十年如一日康熙三十五年奉旌

上

李節婦許氏城東生員許煌女生員李士延妻也士延
以乙酉歲舉義於十二月二十八日死吉安城下許
氏時年二十一子長芳時僅浹歲孀不踰扃髮髻垢
面孝舅姑保幼子推布操作立孤有成年八十亦以
康熙乙酉十二月二十八日無病而終鄉里咸異之
以爲節義之報云

據王志以據

羅節婦周氏年十五於崇禎五年適羅會五崇禎九年
會五身故無子一女周氏誓死無他志日夜治絲麻
以餬口家人勸其改適雉經者三足不越戶者三十
四年而歿

王志

李節婦歐陽氏生員李子琦妻子琦高才數竒氏篝火
夜績佐讀相夫稱名士夫卒氏斷髮撫孤茹淡食貧
誨孤力學惟名節是勵孤掄舉順治丁酉鄉試氏懼
其以小成自足諄切誠勗掄兢兢守教以行誼文章

見稱士林云

同上

李節婦張氏毛氏李正菓之妻及妾也正菓家貧訓誥於楚張氏毛氏力機杼以奉舅姑數年毛氏生子次蓮張撫之如已出及次蓮五歲而正菓棄世時張氏年三十七毛氏年三十八並誓同死家人泣勸曰如此黃口何二久始進來飯襄喪事時兵荒洊至惟緝經以教子機杼至丙夜不絕次蓮就傳歸必令覆誦所習業貧無膏燭燃薪以照有憐其貧諷改節者唾之而去康熙丙午次蓮舉於鄉報至猶在機杼間色不加喜次年春聞不利歸見母母亦不加戚曰得失何常但慮不讀書不作好人耳迄庚戌成進士母教之如孝廉時馭下以恩處家以儉待姻族以禮多可師法者李司馬元昂作詩誦之

同上

徐烈婦龍氏中鵠鄉徐文遠之妻也康熙五十六年正月月初七日之夕龍氏獨處有孫姓者欲強污之不從被毆而死事聞五十八年建貞烈坊以旌表之

曾烈婦徐氏蘭溪生員曾美妻也順治三年丙戌山寇抄暴徐氏隨美避之本里之蕃洲寇迹之山間有箒

穴僅容一人徐氏謂美曰兩人偕藏必爲賊見是俱死也君死吾何所倚亦等死耳君其藏此吾必不受辱乃披髮出走賊得之并搜得其夫舉刃將殺之徐氏以手蔽其夫曰此吾夫也殺之吾必俱死若倘見憐囊有數金願以贖命出金示之賊不許則曰此但贖吾夫吾隨君其可乎賊乃許縱美逸去徐氏度夫已遠席地坐焉賊趣之行則曰吾豈從汝者賊懼以刃遂罵賊以首觸刃賊支解之三日美始迹得收殮其屍面如生蠅蟻不齧最雍正四年提學沈翼機嘉其行檄令里人崇祀並書義烈二字以錫其家

鄧節婦王氏仁壽鄉安溪生員鄧秀之妻也生崇禎八年年二十而夫亡有一子值鼎革之時艱難百倍事舅姑以孝聞子誦書有成而復短折乃撫遺孫勉其媳以同志曰鄧氏三世惟此一人吾二人以死守之庶邀天眷延此一息也王氏寡居數十年不事澤飾非賓祀不市腥非疾病不停織足不出戶庭言不接疏遠年七十有九卒雍正四年旌表媳黃氏別有傳蕭節婦周氏南嶺貢生周德正之女同水雲莊諸生蕭

大成之妻也周氏年十六歸於蕭三年而夫亡哺其遺孤與老婢居教子以有立事舅姑觴酒豆肉無缺於供能盡慈孝之道焉雍正四年旌表

艾節婦戴氏折桂鄉中坪艾國俊妻生天啟七年年二十一而夫卒垢面毀容以撫孤事繼姑無違禮怒則和言以使之解乃已舅喜招賓客飲穀藪酒漿惟資婦手足之勤以相給事姑病不離床側姑愈乃悅而稱其孝於人後其子已成名戴年踰七十猶紡織爲諸女倡子懋止之則曰家世清貧也豈可一日墮先業年七十七而終雍正五年旌表

謝節婦周氏同水鄉謝惠邦之妻年二十四而夫卒守遺孤以事其姑未三載而孤夭周氏慟泣欲死不忍其姑之無依也乃言於姑曰謝氏宗祀忍使至我夫而斬乎乃撫一子以爲後事姑二十六年而姑卒其子已婚配矣而又死乃與媳孀居以終年六十有八雍正七年旌表

謝節婦黃氏銀溪諸生謝伍生妻生崇禎四年年十九夫亡無所出哭輒氣絕欲以死從妯娌相慰諭乃止

鬻產以爲殮家無長物織紵所營朝夕一粥而已諸婦潛窺之未見其有怨容也性端嚴戲言未嘗出諸口酒膠未嘗入於唇吉凶之會未嘗與年六十七卒
雍正七年旌表

黃節婦李氏三橋黃長發之妻明忠肅公李邦華之曾孫女也生康熙九年年十九而寡李氏誓曰我生忠臣門當爲守節婦事姑陳氏趙氏始終不渝撫孤力學有成年七十餘卒雍正八年旌表

節婦蕭氏富離郭其沆之妻也生康熙八年年二十而夫卒有子三歲又三歲而子夭舅歿姑老孳遺田數畝之費以殮夫與舅姑茶飲蓼以事其姑苦無所告而竟安之年六十卒雍正八年旌表

錢節婦王氏文昌鄉錢泰逢妻也生順治十年年十九孤生甫四月夫病篤顧氏語曰吾疾不瘳親老孤幼奈何王氏泣曰吾命薄不獲永所天養老字孤吾事也夫卒截髮自誓以明無二志康熙十四年遭兵寇奉姑偕孤東西播遷艱辛遍歷翁姑歿喪葬盡禮孤就傳諄諄以無墜家聲爲誨守節四十六年年六十

五卒雍正九年旌表

錢節婦曾氏文昌鄉錢祖鏗妻也生康熙元年年二十夫卒遺孤一月仰天歎曰夫亡幸有一孤惟長養此孤庶幾無負夫志迨孤長課教未少寬假弱年補弟子員囑曰男子志在遠大勿以一巾足也翁年七旬患痿痺始年六十餘亦抱氣疾曾氏奉甘旨侍湯藥甚者踰月寢不解帶翁姑沒喪塋稱家有無年七十餘卒雍正十年旌表

孫節婦劉氏同水孫學次妻也年二十四而夫卒無以爲後夫卒時屬以老母遂苦節以養先意承志繼維勤朝夕於夫之木主拜焉姑亡無以爲殮宗族憐其苦節共爲攸助舉事卒以節終雍正十年旌表

郭節婦蕭氏中鵠鄉生員郭彥炳之妻生崇禎九年年十六適彥炳明年夫遭疾蕭以舅歿姑老慎疾相戒事之備極憂勞又明年竟卒遺孤生五月而姑患痿痺三年不離床第婦侍滄隨湯藥早夜扶掖湔洗廁踰皆不藉他人攸助以畢終老成喪葬值明之末造及康熙八年山寇燔劫母子流離頻遭旱澇皆以纂

組績織拮据供給堅紉之節百折不回老而勤劬無懈卒年七十三雍正十一年旌表

王節婦蕭氏中鵠鄉王廷櫟妻生崇禎十年年十八自廬陵歸於王氏數年間舅姑相繼病卒蕭氏生事死哀有孝聲及年二十有四而夫卒乃矢志撫孤性慈見有溺女者輒救出爲催乳母代之養逾歲而還之鄉人以是不溺女生二孫而其子復亡又爲撫二孫教之有成年七十六而卒乾隆元年旌表

李節婦程氏徽寧人年十六歸禮部尚書李振裕爲姪年三十二生子景暹六閱月而夫卒夫有丈夫子七人景暹其季孽也撫子孽於呱呱之際訓誡母少忽迨景暹補弟子員以優行貢入胄監試爲官學師而節婦已先卒矣節婦身處碩胄淡約一生協上下和內外事夫君皆能盡禮女君劉氏賢其行常與共處至死無間言自家盛時以及癸居升沉勞瘁四十餘年卒年六十有二桐城方靈臯銘其墓

解節婦陳氏東坊解儀之妻生順治十三年年二十五而夫卒貧空無以自存人慮其難居以微言動之陳

氏覺其意向夫主座前嚙右手中指出血以誓詔其子以讀書繼成父志以嫁時未見舅姑令節祀事備極哀思夜夢二人坐中堂曰吾汝翁姑也感汝孝思故來見婦告以家計難持曰汝無憂後終有慶也明日以問諸長者乃知其舅姑狀也是後無吉凶輒先夢告焉年八十二乾隆二年旌表

解節婦鍾氏東坊生員解怡之妻生康熙十八年年十六自永豐來歸解氏夫患咯血鍾氏每夜禱於竈願以身代隣人密窺得之以相告也年二十有五而夫卒姑憐其少不忍與偕守謂之曰吾年未五十幸汝有子吾獨力能支汝可自便也鍾氏對曰媳獨非人類耶姑有子能守媳有子不能守有姑不能事而反飄然竟去以貽姑悲媳獨能無悲耶願與姑終身相依矣自是與姑動靜未嘗遠離任勞推逸不避寒暑以故年未六十而髮白垂垂齒牙半脫子成諸生乾隆二年請於有司得旌表焉

曾節婦謝氏仁壽鄉曾文煌之妻也生康熙十年年二十五而夫卒哀慟幾絕身懷遺娠生子勤勤教育成

弟子員乾隆元年年六十六歲明年奉文旌表

易節婦高氏中鵠鄉易登榜妻也生康熙二十年年二十而夫卒哭幾絕孀氏知其有孕也慰之曰新婦娠在身倘生男夫得祀此事重大毋重姑戚也未期月果生男子家屬並喜宗支有紹薄田數畝僅供饘粥勤紡以易甘旨姑年迨老舍飴無憂及子受室連舉二孫乾隆二年高氏年五十七奉文旌表

郭節婦蕭氏廬陵之瑤湖其母家也中鵠鄉之郭其洞其夫氏也康熙四十一年其始歸之歲也康熙四十四年其夫卒之歲也當是時蕭氏年方十有九也舅歿而姑尚存也男子一人甫一歲也蕭氏痛夫之早亡計無欲生也又念姑之無以爲養子之無以爲撫也乃事姑而姑悅誨子而子成身未老而二孫見也乾隆二年當五十有一之歲而旌表及躬也蕭氏之節君子以爲宜然也

郭節婦曾氏仁壽鄉郭光燧之妻也生順治六年年二十四而夫卒有一子而姑尚存曾氏哭其夫水漿不入口者三日昏仆於地忽見其夫語之曰爾之貞靜

吾夙知之老姑幼子賴汝扶持氏寤繹其言由是矢志愈堅其姑傷子夭折湮鬱無已遂成貞疾曾氏侍湯藥一夜數起歷年不懈及歿哀毀尤甚感念其夫數十年如一日忽於中秋之夜孤燈耿耿見其夫長揖相謝曰汝堅貞自矢孝事吾母生死盡禮熒熒弱子撫立成婚以致孫枝日繁汝德厚矣三揖而去曾氏心駭其事以告隣婦皆曰然汝之貞孝固宜有是也年八十一卒乾隆三年旌表

郭節婦李氏文昌鄉監生郭崇爵妻也生康熙二年年十六歸崇爵崇爵得疾李氏內事其夫而外慰其姑三年夫卒李氏鞠育七月之孤以事其姑方幸其宗之有托乃姑已歿子初受室三日而夭李氏號呼愴楚投繯者三絕而復甦者四朝夕之間偶一念及未嘗不流涕岑岑也隣婦不知相歎謂曰汝夫年十九亡汝子亦年十九亡無依矣可柰何婦以手擊胸應曰嗣續之不存命也吾豈忍爲垢膩之行以重辱吾夫哉年五十九卒乾隆三年旌表

郭節婦彭氏同水鄉郭方毅之妻也生康熙十三年年

二十三而夫卒婦引刀斷一指置柩中曰不能身殉
請先以一指從自是足不出戶者三十五年月吉則
取夫遺衣懸中堂率其子拜焉居則聞不聞聲以謹
事其姑懼哀毀之傷其心也姑卒哀傷嘔血後竟以
是終終之夕命其子曰汝父死吾嘗以一指殉今當
取汝父遺衣葬我吾事終矣時年五十七也彭氏素
知文墨子幼讀書不能延師親爲句讀訓之稍放必
加扑撻母家念其清苦饋以米肉峻拒弗受隣里無
不服其嚴潔者乾隆三年旌表

謝節婦曾氏仁壽鄉謝少慧之妻曾介壽之女也生康
熙十九年父爲諸生幼知禮教年十八歸少慧生二
子年二十五而寡居恒脫簪珥屏服飾不御言笑不
苟謹飭自持數十年如一日乾隆三年旌表

毛節婦朱氏仁壽鄉毛接之妻也接卒時朱氏年二十
有二有二子焉氏秉性溫柔生於儒家而嫁於儒士
故知禮節不苟言笑惟以不墜家聲訓其子手經指
挂日從事於機杼聞札札之聲不絕令節未嘗不哀
祭祀未嘗不虔也生康熙十五年歿年六十有一乾

隆三年旌表

上官節婦胡氏西坊生員上官琇之妻生順治元年初歸時年十有五夫以孤子當室無昆弟妯娌之歡雖少也能斥其粧奩以資夫於學俾夫弱冠成衿潔清以供祀事存不逮事之思洞然敬黯然傷也未幾而夫嬰痰疾積數年而亡時胡氏年二十有二兩世一孤哀矜鞠育以克成人守志五十二年年七十三而終乾隆四年旌表

胡節婦郭氏生順治十八年年十六歸仁壽鄉之生員胡定定卒時郭氏年二十四撫四歲之孤以事其舅姑孀居四十八年冰雪一心人無間言乾隆四年旌表

艾節婦權氏析桂鄉艾家瑞之妻生康熙十年年二十六而夫卒得子方五歲夫病凡三年權氏事之久而益勤事翁及二姑皆得其歡心無所偏拂及卒哀痛如其夫耳不聽樂者終身乾隆四年旌表時年六十有九

施節婦胡氏生康熙十二年年十六歸仁壽之施吉文

夫卒時氏年二十有一無嗣也欲以死從乃以猶子後焉姑早亡舅先夫數月卒重喪之後資產蕩然縷續爲生茹藥飲冰恬如也年六十七乾隆四年旌表郭節婦黃氏折桂鄉郭騰霄之妻也年二十五而夫卒生一子先是夫病足弱不良於行後益甚輾轉床褥間黃氏朝夕扶持三年餘衣不解帶事姑病亦如之翁姑相繼亡喪葬無違禮終身勤女紅以自度教育其子及子受室舉五孫年六十五當乾隆四年旌表胡節婦陳氏生康熙十八年年十八歸仁壽鄉胡貴年

二十六而貴卒有子六歲陳氏以哭夫嘔血抱病子復多疾無舅姑之庇煢煢相憐甚則呼禱於舅姑之靈輒脫然愈若有神助焉守志三十六年乾隆四年旌表

鄧節婦黃氏生康熙二十年年十五歸仁壽安溪鄧震孟震孟母王氏守節有年矣黃氏事之甚謹及震孟得銜血之疾時作時止黃氏雖憂之而常恐其增孀姑之憂也不形於色而中自苦焉夫歿時黃氏年二十六孤二齡而姑老並多疾兩得無虞節婦之力也

守志三十一年乾隆四年旌表

劉節婦周氏年二十一適南坊劉登祥又三年而登祥卒周氏守志一十有八年年四十有一卒有一子夫卒後半月乃生及周氏卒時有三孫焉人以為苦志者之宜有後也乾隆五年旌表

歐陽節婦羅氏舉人羅繼洪之女生康熙二十八年年十七歸於同水歐陽中選中選以試不遇抑鬱成疾卒氏年二十二無子惟一女欲捐軀以殉舅姑不忍謂之曰汝夫以抑鬱死而汝復死是欲使吾俱抑鬱以死也將為汝夫後以與汝女并撫焉其可也自是守志三十一年乾隆五年旌表

劉節婦張氏生康熙十有七年年十有九歸於南坊劉文煌氏性貞靜甘淡薄夫卒年二十有六田薄不足以瞻朝夕劉續考縷以佐饗殮以養姑育子守義三十九年乾隆六年旌表

曾節婦劉氏同水曾章達之妻年十有九而夫卒生子甫三月孀姑在堂懼以哀戚傷其心事之無違左右夜則與姑同榻而寢家無益藏歲荒以食食姑而薄

古水縣志 卷之二十一 十一
飢自度凡米鹽凌雜春紆之事無不躬自爲之敝衣
榛筭安之爲常會其孤貞疾無以延醫乃禱之祖先
感其夫致夢云夫兄一子父死母嫁亦賴劉氏撫之
以成生康熙二十年至乾隆六年年六十有一旌表
曾節婦楊氏瀨溪曾定郢之妻歸時年十有八至二十
一而夫卒有子二歲爲妯娌者凡八人楊氏誨子以
義持身以正而遇族以和斥餘財以與衆分甘守志
四十有一年乾隆六年旌表

汪節婦黃氏年十六適折桂鄉汪運元六年而運元卒
撫二孤以事舅姑先是運元得嗽疾黃氏殷勤侍奉
者四年及卒練祥甫畢舅姑相繼以終哭泣之哀時
祀之禮未有差跌愁居懾處衣不純采首不編飾以
迄於老年三十六於乾隆六年旌表

婁節婦周氏生康熙十七年年二十四而夫婁良懋卒
良懋南坊人也少孤周氏歸時年十六無舅姑之庇
子方孩抱而失所天痛未亡人之不得從夫於地下
也勤勤以育其子乃其子年未壯而復亡幸其媳賢
婦也能與周氏俱孀以撫其遺孫兩世一孤年且十

八周氏乃得旌表焉時年六十有五爲乾隆七年也
葉節婦朱氏折桂鄉葉元達之妻元達卒時朱氏年二
十有六生二子其幼者方半月貧困也奩物所資以
醫夫疾而罄事翁姑無以爲養惟自矢於夫之主前
餓死不辱視已力所能以奉上撫下而已乃夫甫葬
而舅復亡季弟幼弱與姑百計經營以襄事事姑年
七十有三而歿以至於有孫六人乾隆七年旌表時
年六十有三

曾節婦羅氏同水鄉曾益汪之妻年二十有五而夫以
痰疾終侍夫疾備極勞瘁及卒念家計之艱惟勤織
作撫四歲之孤俟其成立以有諸孫養姑年逾八旬
節適之齊調攝之宜在視維殷皤鬢華髮屨杖相依
未嘗或離乾隆七年旌表時年六十

陳節婦季氏名進姬中鵠鄉人生康熙十七年二十
有六而夫陳禹癸卒季氏撫二孤長者六歲幼者一
歲家故貧迨未遑安居晝織則機聲札札夜績則燈
火熒熒操菽水以奉其二親甘糟糠以鞠其二子迨
二親棄世則稱家之有無以爲祭葬二子長成則擇

里之序術以延經師年六十有三而終諸孫林立乾隆八年旌表

鞠節婦項氏年二十適文昌鄉鞠士裕五年而士裕亡有子三歲又二年而天當是時項氏傷慟呼天捨地隣里為之泣下乃與姑議取夫之猶子為後以安之項氏為夫之有祀也愛之如其所生教之惟恐弗至節孝慈惠如一日焉年六十有一乾隆八年旌表

李節婦喻氏折桂鄉李如龍之妻如龍課童子於贛州成癆瘵之疾歸而營娶喻氏之父以其疾難痊屢趣不與喻氏知之私居獨處輒為泣下憂形於面父感其志氣乃歸焉時康熙四十三年氏年二十有二矣歸後敬事其夫視藥餌惟謹八閱月夫亡婦哭之幾死者數矣始知其有娠慰之曰新婦勿過傷倘孕男而以傷銷棄是重死汝夫也後果生男方三歲舅病革命之曰吾死家貧汝少兒幼何以為生不如攜子再適得不死長成猶可歸宗也喻氏裂其紡車以誓曰苟有他志何俟今日今去姑將何托家貧則竭吾股肱之力甘之以糟糠不忍離吾姑也若改適者有

如此車自是苦節四十載流離凍餓而督子甚嚴乾隆八年修學學諭彭揆因其子傭工察得其實具請旌表且時凋卹之族人感悅迎氏母子姑媳歸其里爲之經營建坊並購室以居之節婦垂老乃得所棲托云

黎節婦鄒氏向水鄉黎庭輔之妻歸年二十有一夫感臙脹之疾侍湯劑者數年年二十六而夫卒子方一歲婦乃鳩形鵠面骨立神銷勉爲未亡人巧變以安老姑鞠育以成孩幼共少分多以振折乏年五十餘乾隆八年旌表

烈女劉雪姑同水鄉六十一都人父劉敏則故農家也母蚤亡與幼弟盛光居許筭李氏子映光康熙六十年閏六月十二日李氏子病卒其父往視之李氏貧無棺衾父走使歸告女命取筐中緡錢爲市衣槥女得報持錢付弟授使去時值刈稻女屏當穀石畢呼弟哺食誠以善事大人讀書須聆師訓毋取笞辱衣食宜時自巡省爾姊命薄恐不能與爾長共苦辛也弟雖幼見姊淚隨語下瞪視不去女復好言慰令就

塾乃閉戶沐浴衣縞素雉經焉其弟歸從門隙見姊
縊疾呼隣母救之已無及矣乃號慟語其前事當盛
暑父歸二日乃殮顏色如生聞者異之女時年二十
也里中人士爲之請頗格於議乾隆八年學諭彭揆
廉其實力請於中丞陳公特疏旌表

陳節婦蕭氏文昌鄉陳鼎奇之妻生順治十七年年二
十四而夫卒舅患氣疾每昏迷於地蕭氏驚惕無措
夜則禱於神曰夫喪兒孤又無伯叔恃翁在無恐設
氣不屬婆將何依願明神庇佑後其舅夢神示之方
而愈氏愛子也以嚴常以夫遺帶示子曰汝學成吾
腰是入棺以見汝父學不成吾以是屬頸去矣子因
是爲諸生有名母六十欲製錦爲壽蕭氏曰自汝父
亡吾釵釧不加綺羅不曳布衣浣濯四十年矣今衣
緞何爲速將去毋詫我又六年而終乾隆九年旌表
龍節婦蕭氏同水鄉庠生蕭壯友之女也生康熙十五
年年十九歸於北坊龍涵育即勵其夫以學曰毋徒
慕妻子也五年而夫亡無所出夫兄一子不可以爲
人後涵育臨卒顧謂氏曰家貧無後難以守義蕭遂

徵引刃自盡姑救乃止於蓋棺時忽止哭剪束髮納棺中曰節不改髮不生其後至老而頂髮童然姑以哭子喪明蕭氏事之如左右手積五年而姑目復明姑卒後蕭氏亦以痛傷眇一目姑遺命姪他日生子當為氏後而姪復早夭遺一孤蕭氏乃與姪婦共撫之無一畝之植數椽之居流離遷徙依祖祠廡下以蔽風雨躬織紵朝夕稽首於祖靈冀孤長生孫以後其夫其持節之嚴則當姑在時有同懷弟補弟子員姑命往賀竟不往云乾隆九年學諭彭揆哀之既為請旌復賜卹焉及其死也無以為殯葬為之棺殮穿窆而表其墓

彭節婦易氏中鵠鄉彭國願之妻年二十四而夫卒懷遺娠三月而產男週歲而天易氏號慟曰吾始所以不死者為有此子也今已矣痛不能復事姑也矣姑曰吾生三子而三子俱亡娶三媳而一死一嫁所依惟汝耳無子猶子可後也易氏乃鞠子事姑聞有娑飲人酒而改適者於是獨居三十九年未嘗飲人杯水雖弟召亦不往乾隆九年旌表

周節婦李氏仁壽鄉周彭年之妻也年十九而夫亡時子半歲而姑以哭子喪明李氏事之使忘其行持之艱子長則訓之以義曰汝延先脉尤不可斬先澤忠厚以居心寬惠以行世乃可性不喜事佛以祖宗爲家人正神三姑六婆不可近其識見尤爲巾幗所難年六十二乾隆九年旌表

趙節婦周氏生康熙二十三年年十七歸折桂鄉趙登鰲登鰲以父亡弟幼食指漸繁欲棄舉子業周氏曰君承父教婦歸廢學是婦罪也四年夫補弟子員逾年患痰疾氏籲天以求代夫曰死生有命爾懷此心祇徒然耳吾不起汝且嫁周氏乃以頭觸床折二齒爲誓後每食觸牙齧則愴悽欲絕曰齒折齧猶在夫亡婦何依八咸哀之族人或閔其窮賤以粟不受惟祖祠所頌則受之夫所遺書盈篋或勸之售氏捧而泣曰此吾夫手澤也縱無子能讀見此篋如見吾夫其忍棄之先是無可後者婦卒後夫弟乃擇所親後之卒時年五十九老姑猶在周氏匍匐於床執姑手嗚咽不能自勝以未能終事爲罪云乾隆九年旌表

蕭節婦孫氏生員孫棐之女年十八歸於同水鄉蕭宏
京逾年而宏京病不起囑孫氏自爲計孫氏泣曰婦
道從一雖無子翁姑在也引及攬指以示無二夫叱
止之乃謀諸父兄謂婦志堅安處諸兄曰嫂將誕若
男也則弟婦有依矣宏京卒而嫂生男遂以爲其後
後兄嫂繼卒而長子孤孫氏並撫成之衆昆弟以孫
氏殘處使無與舅姑之養孫氏謂吾盡心所安亦以
弭舅姑傷子之痛事之愈虔孫氏風規凜肅裙釵奉
爲嚴師嘗語女輩云兩載夫妻百年痛恨一生名節
片念真誠我輩婦女無悞無悔有從女末淑年十六
將許字而抱微疾泣請於父母曰家六季母青年守
志人皆敬而憐之兒命薄願守吾貞也遂與孫氏同
起居年五十餘先卒孫氏於乾隆九年旌表

易節婦施氏中鵠鄉廩生易晉之妻年十七歸於易二
十有五而夫卒撫六月之遺孤以養其老翁備極敬
慎年五十一乾隆九年旌表

張節婦羅氏中鵠鄉張發珍之妻生康熙十年年二十
四而夫卒乃樹柏夫墓以表其心舅姑前卒以避寇

藁葬他所羅氏乃遷柩還葬豪強有窺其產而欲奪其志者羅氏集族衆哀告誓撫二孤斥其竒零以散族人咸義之盡還所與卒成婦節又族子孤而不能娶氏捐所織爲之畢婚年六十七卒乾隆十年旌表

婁節婦劉氏年二十一歸東坊婁作謀年二十九而夫卒撫二孤等二親始終一節嘗曰婦不守志生不如死婦能全節死不愧生年六十餘乾隆十年旌表

彭烈婦李氏竹溪彭長萬妻也年十八歸於彭家貧母老甫二載長萬病將危禱於神曰妾夫後嗣未傳冀神憐佑苟可少延願以身代越日夫亡長跪老姑前曰媳不德禍延丈夫致貽大人哀痛幸少節悲楚以保千金軀又請於兄與嫂曰汝弟命數乖舛未免於難我當從一以終老母惟兄嫂是依矣言已泣至棺前絕而復蘇者數扶至房中復欲投繯族屬以母在婉慰自是水漿不入口者六日忽於日午泫然涕泣曰吾姑有兄嫂奉甘旨吾安得不殉吾夫於地下乎乃登樓自墜未死復解帶雉經終焉時乾隆十年乙丑歲五月也先是夫殞權厝本里黃崖壇係他人地

婦憑棺哭曰吾即與汝同穴至是將獨移婦柩附祖塋集數十人挽之不能動尋別營一墳與俱葬二人舁之以行里人以格於例未敢上請巡檢王咸英作詩哀之

王節婦劉氏年二十歸中鵠鄉王俊俊卒時劉氏年二十有七聲奩中物以供醫藥而不能治也乃其姑復嬰痠痺者三年婦事之無纖介弗至所撫之孤六歲而亡乃以兄子爲後年六十乾隆十一年旌表

周節婦謝氏同水周永隆之妻生康熙二十六年年十五歸於周年二十二而夫以鹵血卒舅姑暮年多病亦前後卒皆婦獨身奉侍無他人相代矢志撫孤年六十乾隆十一年旌表

龍節婦聶氏向水貢生龍九垠之妻年十八歸於龍年二十三而寡四十一而卒時一子已爲弟子員老姑尚存夫無兄弟聶氏哭訣曰夫既短世媳復不得終事老姑致姑老零丁九泉之下有餘恨矣乾隆十一年旌表

羅節婦李氏文昌鄉羅良倫之妻年十有七而嫁年二

十有二而夫卒遺孤生方六月勤治絲縷以養老姑
病則扶持惟謹守志至五十六歲乾隆十一年旌表
鍾節婦江氏年十九歸於中鵠鄉鍾金祿金祿被惡疾
江氏禱天求代亡時江氏年二十有四竭所有以供
棺衾無以爲葬乃剪髮毀容號泣求賑鄉里里人感
其義各攜畚鍤輦鋤助焉并葬其舅姑二殯有富室
欲侵其兆域江氏以力弱不能爭乃攜二孤日號泣
旋繞墓所途人爲之泣下縣令湯叙聞其事責而歸
之守志至年五十六乾隆十一年旌表

蔡節婦黃氏文昌鄉蔡邦楫之妻生康熙元年年十八
歸於蔡年二十有七而夫卒無子婦悲舅姑之僅一
子而死也又悲二尊人之無以爲養也乃誓節苦績
以事之生養死葬之餘積購田二十餘畝以少半自
給而以大半祀其祖以祔其舅若夫黃氏故田家婦
也乃知大義焉年七十卒乾隆十二年旌表

周節婦王氏仁母鄉周魏博之妻也年二十有一而夫
亡惟生二女子王氏欲從死焉姑泣止之曰子死猶
有媳媳死吾二人誰依也願無死以存老弱之命舅

既亡姑幼子尚少而姑喪明氏寢興相隨至姑年八十婦年六十餘貧無所賴而以死相依若蛩蛩駞驢然也乾隆十二年旌表

鞠節婦邱氏年十八歸於文昌鄉之鞠明燦時明燦父嬰沉疴婦爲佐治湯藥綿延一載而歿夫以哀毀邁疾免喪遂病篤卒時生一子甫三月氏時年二十一事姑竭力姑因事佛不苟葷以損婦供給歲大疫合室皆染氏周旋不避獨無恙其子已婚娶而氏氏哭之七日不食不死而聲爲之瘖後所後子漸長哀乃稍歌守節四十一年乾隆十二年旌表

孫節婦唐氏中鵠鄉孫珍之妻生康熙七年年十七歸於夫年二十二而夫卒一子甫生三月舅姑俱存侍養六七年而舅姑相繼亡孤兒寡婦孑然相依守志五十七年而終乾隆十三年旌表

李節婦蕭氏中鵠鄉李昱春之妻生康熙十九年年十七歸夫家年二十有二而夫卒姑老矣傷子甚蕭氏嘗避姑潛泣昏仆於地姑呼而覺之勸諭焉氏曰夫死無子身將安歸姑牽一猶子以爲之後婦乃惻然

起而撫之守四十餘年乾隆十三年旌表

周節婦陳氏生康熙二十四年年十九歸於同水周天
歷逾年而夫卒舅姑早喪舅兄弟四人貧無以娶惟
氏舅生其夫一人陳氏知夫所係之重也禱天願以
身代生一孤僅三月撫之惟恐失也陳氏生長農家
而知禮節諸舅力作於外氏供爨事畢即避入一室
不聞人聲令諸舅往厨自取令節則拜於階下以謝
維持之恩後諸舅相繼亡季者晚娶生一子亦夫婦
俱亡惟氏撫之已治泉續子爲隸農傭力以生苦節
四十餘年乾隆十三年旌表

劉節婦楊氏年十八歸於同水鄉劉服上時舅歿姑遭
氣疾夫貧營生於外婦奉湯藥於家凡逾年夫歸得
疾日就篤期年氏將產以侍夫勞幾罹產厄生子未
十日而夫亡又察姑疾益重乃匍匐在視姑復延十
四年而歿凡葬祭之禮丈夫不能爲者氏以貧婦人
爲之守節四十餘年乾隆十三年旌表

彭節婦龔氏文昌鄉彭鍾惠妻也生康熙三十二年
年二十七而夫卒惟繼姑在堂服將除姑以其年少微

言探之龔氏抱孤兒泣於夫之靈醜酒裂果以誓曰
亡人矢志守節破不復圓有如此果自是勉供婦職
家事一聽姑裁姑所生夫弟與婦早亡其遺孤亦龔
氏哺之俾克成立姑愛幼女龔氏順承其意惟所欲
與無間以是姑甚憐之值大水沒廬舍舍傍有大樹
隣婦群集焉龔氏扶姑攜姪登梯升畢乃自挈孤棲
兩晝夜忽枝折兒墮水龔氏隨入水抱取其孤繞樹
數匝不能上水中如有物負其足以升得不死夢其
夫曰兒當水厄以汝至誠得免由是歲時祀其樹以
報焉乾隆十四年氏年五十有七守志凡三十一年

適奉新例分別苦節尤著者具疏請旌錫銀建坊其
常節者會疏附題照例加獎仍列名於石是年吉水
請旌者四人請獎者二人以龔氏節行爲尤苦云

黎節婦李氏生康熙八年年二十歸於同水鄉黎祚迥
祚迥卒時李氏年二十五撫一子督勵之曰汝父將
死以汝學爲囑學苟無成則吾無以見汝父於地下
及子已成立有四孫而子婦雙亡李氏復撫之家素
貧簪珥以夫疾醫殮而磬火復焚其故居舅姑及伯

氏念氏織作自給止其奉養李氏謂吾稱有無以盡吾夫之心焉耳子道非可以凍餒缺也養生送死必求得當矢志五十七年年八十有一乾隆十四年特請旌表

丁節婦曹氏生康熙十六年年二十有六而夫丁振侯卒振侯文昌鄉人也得內傷之疾輾轉無寧晷曹氏禱之神曰吾夫兩世一身無嗣子倘得身代死不恨後夫愈而生一子人謂婦之至誠所致夫卒與姑同處一室隣媪不知其誠屢以攜語試曹氏剪束髮絕之與之爲誓自是不敢復言其奉姑最謹鄉里謂丁氏姑媳真如母子云守志四十有七年卒乾隆十四年請旌

劉節婦曾氏折桂鄉生員劉興相之妻年十八而歸歸九年於雍正元年而夫卒既殮曾氏斷其左手一指納夫懷中以示無二不食者七日時姑年六十有五慰之乃飲食能孝事以得姑歡曾氏頗識文義教二子晝就傳夜則親督故皆有成隣族有新寡者輒以義相勸勉如其能守志而窮匱則時省而賙助之皆

取給於機杼年五十有二乾隆十四年請旌

李節婦孫氏生康熙十九年年十六歸中鵠鄉之李國瓊善事舅姑年二十有六夫卒撫一子愛而知勞之及有諸孫內外嚴肅有家法事姑奉養備至姑年七十二而終性喜施卹隣周急如恐弗及架橋煮茗以利窮途人稱其惠乾隆十四年有司上其狀循例附題請獎時年七十

彭節婦劉氏生康熙三十有八年年二十有一歸於折桂鄉之彭習正年二十有五而寡無子夫無父母兄弟之親欲自盡也以母氏勸而止乃奉夫木主於私室以朝夕祀焉或勸其改適則曰吾所以不死者欲爲彭氏立後以延祀也故忍痛以待之乃迎其父母同居示有所倚夫惟大功弟一人無婦爲給資田與之娶祝其生子以爲夫後而又無子乃謀之族以同房族子後焉遂爲撫之如已生教之惟恐弗至也年五十有一守志二十有七年乾隆十四年循例附題請獎以爲無子守節爲夫立後者勸云

劉節婦蔡氏年十九歸文昌鄉之劉大侃歸二年而大

倪患痿痺朝夕床第間者三年蔡氏事之甚敬夫卒
姑又患痿疾事之亦與大侃等先後積二十年勤勞
備至而節婦嘗以為未足至乾隆十五年年五十有
九矣守節三十三年循例附疏請獎

李節婦劉氏折桂鄉李仲彪妻也年十八而適仲彪逾
六年生二子而仲彪卒仲彪幼孤育於伯父母疾革
時數以伯父母為託節婦諾之及仲彪卒事伯父母
甚孝食貧居艱弗以為勞鄰婦有被疫者他人皆徙
去婦為省視卒無恙乾隆十五年年五十附疏題獎

吉水縣志卷二十七

吉水縣知縣關中米嘉績纂修

藝文志一

書籍表

自古在昔先民有作傳之載籍聖賢以是為繼往開
來之用而學者亦藉是為一事一物之徵其成之也
至則其傳之也遠然而不能皆傳者豈盡屬其為之
之有至有不至與抑亦有幸不幸存於其間耶吉水
人物傳中及各史藝文志載所著書蓋不啻數十百

人今列之於表覽其數目如林之盛他地未有也然
而其名具在其書則亡者比比也則覽其名之盈幅
而令人喜者索之以觀而殊令人恨雖然無恨也書
契以來能盡存乎孔門顏子曾子書猶不傳然猶曰
秦火也漢之七略唐之四部書目歷代史志藝文其
皆存乎祕府且然又何怪乎吉水之一邑哉老子曰
有無相生歐陽子曰聚多而終必散故凡作書之人
與求書之士所日爲營營者始未嘗不自負其嗜好
之殷出於尋常萬萬曾不數世而已煙消霧散無一
流傳亦可悲矣然則書遂可以不著亦無用於藏乎
曰非也無務廣無貪名求其有當於道而已斯道當
爲人之所知乎吾之說將必行於天下如其不爲人
所知乎則吾說之不行亦非吾之過也夫著書本以
明理觀書亦以求道書多而無當於道書肆也然則
今之徒列書目之繁何爲乎曰因其前之嘗爲之也
苟從事於此者雖未必皆當於道要之皆君子之徒
也况其未刻者或秘之其子孫其已常行者吉水雖
無安知天下之不有則書目固不可得而廢非獨禮

亡羊存之愛亦實未知其孰存孰亡也乃若或有其書而此目不載則一時之無徵夫固不能無缺畧之憾焉矣

南唐

郭昭慶

唐春秋 三十卷

治書

經國治民論

宋

歐陽修

易童子問 三卷

詩譜補闕 三卷

詩本義 十六卷

新唐書紀志表 七十五卷

五代史 七十四卷

奏議 十八卷

濮議 四卷

刪正黃庭 一卷

六一集 七卷

詩文集 五十卷

別集 二十卷

內外制集 十一卷

從諫集 八卷

詞 三卷

集古錄 五卷

集古錄跋 八卷

禮部唱和詩 三卷

歸田錄 八卷

太常因革禮 一百卷

禮院祭儀 二十四卷

牡丹譜 一卷

詩話 一卷

崇文書目 六十六卷

歐陽族譜 二卷

蕭汝為

潛溪集

劉顯

廣錄集 二十卷

蕭服

文集 五十卷

接伴語錄

崇寧備官記

王端禮

易解

強仕集

論語解

疑獄集

字譜

茶譜

朱蒙聖

文集 十卷

劉琮

亨屯集 三十卷

吏隱筆語 十卷

建章集 六十卷

金瓚碎 十卷

銀錯落 十卷

蒙泉集 二十卷

楊任

文集 五十卷

楊邦乂

國語註

荀子註

文集 十五卷

楊祀

鱸堂集 三十卷

羅斐恭

不欺集 三十卷

周必大

鑿坡錄 一卷

淳熙雜記 一卷

詞林舊藁 三卷

掖垣類藁 七卷

玉堂類藁 二十卷

政府應制 一卷

歷官表奏 十二卷

省齋文藁 四十卷

別藁 十卷

平園續藁 四十卷

承明集 十卷

廢議 十二卷

雜著述 二十三卷

書藁 十五卷

附錄 五卷

續中興玉堂制草 卅卷

乾道奏事錄 一卷

辛巳親征錄 一卷

東宮故事 五卷

壬午龍飛錄 一卷

思陵錄 二卷

泛舟游山錄 三卷

廬陵日記 一卷

閒居錄 一卷

南歸錄 一卷

二老堂雜誌 五卷

二老堂詩話 一卷

詩文集 三卷

周必彊

一經集

羅紉

達齋集 三十卷

楊輔世

易傳 二十卷

江湖集 十四卷

荆溪集 十卷

西歸集 八卷

楊萬里

南海集 八卷

朝天集 十卷

江西道院集 三卷

朝天續集 八卷

江東集 十卷

退休集 十四卷

千慮策

錦繡集

葉丞相行狀 一卷

揮麈錄 一卷

強國書 五十篇

師友緒言

三松集 十八卷

雜著四集

錢塘百詠

宋新舊官制通考 十卷
通釋 二卷

曾三英

南北邊籌 八十卷

蒙史

曾三聘

存存齋集 三十卷

存存齋記 三卷

擬志林 十卷

藥問 五卷

因話錄 十卷

閉戶錄 三卷

李如圭

集釋古禮 十七卷

楊長孺

東山集 八十卷

錦繡萬花谷

知止集

休官集

劉元剛

孝經衍義

論語衍義

孟子衍義

容齋雜著

言人系三

卷二十一 藝文七

表六

羅大經

易解 十卷

鶴林玉露 十六卷

胡夢虎

文粹精語 十五卷

坦菴叢稿 十五卷

文天祥

文山集 十二卷

指南錄 七卷

吟嘯集 一卷

集杜詩 一卷

羅士宏

史編 一卷

諸家詩體

周京孫

五經纂

史漢音辨

楊桂

五經辨疑

歷法

五行論

周焱

四書衍義

通鑑論斷

周應龍

文髓標註

周寅龍

麻溪吟

曾先之

十八史畧

元

許天鏡

易象圖說

理學同異

劉岳申

申齋集

文信國傳

楊中

四書正宗 十卷

雜著 十卷

文川集 十八卷

示兒類編 十二卷

楊允孚

孝友吟

灤京雜詠 百篇

張璪

詩集

蕭德孫

師心集

地志沿革

詩體

劉詵

桂隱集

張彊

木雞集

馬佐順

寶範

劉震

書經卓躍

蒼莨駢驪

解觀

周易義疑通釋

四書大義

儒家博要

宋書一千卷

天文星歷一卷

地理

衍八陣圖

武經註

刑書考

解蒙

易經精蘊

周聞孫

尚書一覽

河洛序說

五經纂要

學詩舟楫

鰲溪集

曾士與

唐遺藁

黃琢

春秋舉要

卷八

藝文

表八

李時翁

書經疏

詩經疏

王充耘

書經管見

四書經疑

兩漢詔誥

鄧珏

靜思集

劉中孚

梅南阜十卷

劉伯貞

緝熙小藁

卓氏逸

清約詩集

張嗣祖

中庸析理

明

羅復仁

玉堂唱和集

蕭伯輿

巢雲詩集

艾實

邯鄲集

稽古錄

楊舟

詩經發揮

西湖小草

三山藁

濟川集

詩文策畧三十卷

陳宗舜

村民集

艾仲諒

艾林風月集

艾彭

艾陵餘音集

潮陽集

藝文

藝文

表乙

漢州集

書義精要

拙逸藁

愚隱集

隨聞集

拙存集

易經衍義 三卷

書解

鳴雍集

文集 四十卷

劉朴

李敬

王伯溫

周渠

廖存

解璋

解開

劉楫

漢州集

書義精要

拙逸藁

愚隱集

隨聞集

拙存集

易經衍義 三卷

書解

鳴雍集

文集 四十卷

李撫

欽

筠雪集

師古齋集

塗陽集

哦松集

訥菴集

羅以明

解縉

詩集

奏議 一卷

春雨堂集 十卷

似羅隱集 二卷

學士集 三十卷

永樂大典

古今列女傳 三卷

四書精義

黃昂

學古齋集

五經精義

四書精義

羅肅

寅菴集

陳誠

竹山集

西域行程錄 二卷

黃仲炎
李鳳

同聲集

陽子威

詩集

顏皞

松菴集

張持永

閑齋集

夏霖

荷亭集

金灘集

莊西集

周啓

溪園集

王良

修撰文集

平燕十策

胡廣

明太祖實錄

文穆集 二十卷

晁菴集

扈征集 一卷

文信國傳 一卷

柳緝

素菴集 十卷

鳴

職方集

詩學梯航

宋子

詞林藎 一卷

梁園藎 一卷

田心集 二卷

周忱

雙崖集 十二卷

李昌祺

運甓藁

羅汝敬

賓菴集

劉

前山小藁

道

山溪集

一卷

屈

東墅集

周益簡

竹澗集

周

筠溪集

一卷

胡

春秋提綱

熊

芝山集

四十卷

西澗集

公餘藁

三十卷

錢習禮

應制集

文集

十四卷

詞垣續藁

歸田藁

羅通

將傳要畧

周勉

雪坡詩集

周正

肅菴集

周叙

石溪集

八卷

周源

溪南集

唐詩類編

劉廉

關西集

胡端禎

給事集

集

助集

東山集

日亨集

龍瀾集

覺菴集

東山樵隱集

文介集 三十卷

張草

漁梁集 二卷

人瑞軒集

劉氏宗範 一卷

張承

游紹程

劉益

李同仁

劉儼

易貴

彭教

李貢

張黻

趙超

杜巨

羅僑

劉恒

詩經直指

東瀧集

流芳集

晉懷詩藁

永菴集

詩文集

蚊鳴集

潛心錄

存省集

表十三

龔穎

中山集

張峻

四禮節文

曾

太僕集

東塘集

奏議

王三

一毛詩集

李中

莊介集

傳習錄疑

王昂

碎玉集

四書質明

梧桐集

安民十策

詩經疏註

田

寅伯遺藁

周

七泉遺藁

羅洪先

易解 一卷

周禮疑 一卷

石蓮集 二十五卷

別集

蓮洞志

增補廣輿圖 二卷

劉方

吉安進士錄

唐

冷塘集

李楷

東陽集

關 心筆

工部條例 十卷

寶管山房藁

類鑑

正宗

詩 一卷

彙通 一卷

禮記正義 六帙

學庸商求 二卷

願學集

存真集

日新編 二卷

太平山房疏藁 四卷

策仕要訣 一卷

仁文會語 四卷

返桂集

目錄

語錄 二卷

編

集

文集

廬山講義

紫原會錄

回

大司成集

奏議 六卷

集

志 四卷

元堂語錄 六卷

三奏草 四卷

平徇始末 二卷

祀農奏疏 十六卷

太僕志 二十二卷

中州奏疏 十二卷

清祿始末 二卷

按豫勿喜錄 二十卷

余言奏畧 八卷

滄浪詩集 六卷

集

評實

卷

傳

枚卜始末 一卷

敬修堂集 三十六卷

韓魏集要

香霧閣集

書傳

退思堂集

麟集 十八卷

刪改宋史

明名臣傳

野樂齋集

陰符經註 一卷

傳 十二卷

小御詩集

集

類編 二十卷

改言

道德經註

集 三十卷

椽

山亭集 二十六卷

四卷

一卷

施氏一家言 十卷

勺亭詩集

原鷺集

易經要旨

一卷

易

集

明歸

四十卷

古今氏族譜 十二卷

傳 卷

青湖集

墨山子文稿

津梁圖象 四卷

秋聲草 二卷

可群小文

圖 四七九

卷

卷

卷

一經 卷六卷

書經講義 十卷

經解 二卷

文行 四卷

尋樂齋詩文集

二卷

隨草

亦園嗣